

## Bwletin Chwarterol Cymwysterau Galwedigaethol ac Eraill: Chwarter 1 (Ionawr – Mawrth 2021) i Gymru

10 Mehefin 2021

### Ynglŷn â'r datganiad hwn

Mae'r datganiad hwn yn cyflwyno data a gasglwyd gan gyrff dyfarnu ar dystysgrifau galwedigaethol a thystysgrifau cymwysterau eraill a gyhoeddwyd yng Nghymru rhwng mis Ionawr a mis Mawrth (chwarter 1) 2021. Casglwyd data cyn 2019 gan Ofqual. Nid yw'r datganiad hwn bellach yn cynnwys cymwysterau Bagloriaeth Cymru na'r Dystysgrif Her Sgiliau. Ceir rhagor o wybodaeth am y newid hwn yn y nodiadau cefndir, yn ogystal â gwybodaeth am sut mae pandemig COVID-19 wedi effeithio ar yr ystadegau hyn.

### Y Prif Bwyntiau

45.2%

Dyfarnwyd **24,810** o dystysgrifau yn chwarter 1 2021. Mae hwn yn ostyngiad o **45.2%** o'i gymharu â'r un chwarter yn 2020.

30.6%

Rhwng mis Ebrill 2020 a mis Mawrth 2021, dyfarnwyd **207,140** o dystysgrifau, gostyngiad o **30.6%** o'i gymharu â'r flwyddyn flaenorol.



Gwelodd pob sector ostyngiad mewn tystysgrifau ac eithrio Addysg a Hyfforddiant, gyda'r gostyngiad canrannol mwyaf yn y Manwerthu a Mentrau Masnachol.



Gostyngodd nifer y tystysgrifau a ddyfarnwyd ar gyfer pob lefel ac eithrio Lefel 1/2, Lefel 4 a Lefel 6 a welodd gynnydd bach. Roedd y gostyngiad cyfrannol mwyaf ar Lefel 7.

### Cysylltiadau cyflym

#### Ystadegau

[Cyfanswm y tystysgrifau](#)

[Tystysgrifau yn ôl lefel](#)

[Tystysgrifau gan MPS](#)

[Y 10 corff dyfarnu gorau](#)

[Y 10 cymhwyster gorau](#)

[Sgiliau Hanfodol Cymru](#)

[Cymwysterau galwedigaethol](#)

[cymeradwy](#)

[Nodiadau cefndir](#)

### Cyswllt

#### Ystadegydd:

John Fuery

01633 373 222

[ystadegau@cymwysteraucymru.org](mailto:ystadegau@cymwysteraucymru.org)

#### Ymholiadau gan y cyfryngau:

Alan Morris

01633 373 222

[cyfathrebu@cymwysteraucymru.org](mailto:cyfathrebu@cymwysteraucymru.org)


**Diweddariad nesaf:** Medi 2021

# Ystadegau

## Cyfanswm dystysgrifau a thueddiadau hanesyddol

Ffigwr 1: Mae dystysgrifau chwarterol a blynyddol wedi gostwng o'i gymharu â 2020

Tystysgrifau chwarterol a blynyddol a ddyfernwyd ar gyfer cymwysterau galwedigaethol a chymwysterau eraill



Ffynhonnell: Casgliad data Cymwysterau Galwedigaethol Cymwysterau Cymru gan gyrrff dyfarnu  
Mae data llawn i'w weld yn nhabl 1 y tablau data a gyhoeddir ochr yn ochr â'r datganiad hwn

### Cymhariaeth Chwarterol

Dyfarnwyd 24,810 o dystysgrifau yn chwarter 1 (Ch1) 2021. Mae hyn yn ostyngiad o 45.2% o'i gymharu â Ch1 2020. Mae'r gostyngiad hwn yn debygol o fod oherwydd effaith parhaus pandemig Covid-19. Mae manylion ffactorau allanol eraill sydd yn debygol o fod wedi cyfrannu at y duedd ar i lawr gyffredinol a welwyd dros y pum mlynedd diwethaf i'w gweld yn [nodiadau cefndir](#) y datganiad hwn.

### Cymhariaeth Flynyddol

Rhwng Ebrill 2020 a Mawrth 2021, dyfarnwyd 207,140 o dystysgrifau, gostyngiad o 30.6% o'i gymharu â'r flwyddyn flaenorol. Mae'r gostyngiad hwn yn gyson â'r duedd ar i lawr a welwyd yn ystod y pum mlynedd diwethaf a gall hefyd fod o ganlyniad i bandemig COVID-19.

Nid yw'r ystadegau hyn bellach yn cynnwys cymwysterau Bagloriaeth Cymru (y Fagloriaeth) na'r Dystysgrif Her Sgiliau (THS) (gweler [Newidiadau i'r ystadegau hyn](#)). Er mwyn helpu defnyddwyr i drosglwyddo i'r dull newydd hwn, gellir dod o hyd i'r


cyfansymiau chwarterol a blynyddol a gyfrifir ar yr hen sail (h.y. gan gynnwys Bagloriaeth Cymru a THS) yn nhabl 1b y tablau data a gyhoeddir ochr yn ochr â'r datganiad hwn.

## Tystysgrifau yn ôl lefel

Ffigwr 3: Gostyngodd tystysgrifau chwarterol ar bob lefel ac eithrio Lefel 1/2, lefel 4 a lefel 6

Canran y newid mewn tystysgrifau a ddyfarnwyd yn ôl lefel, Ch1 2021 o'i gymharu â Ch1 2020

Cyfanswm y tystysgrifau ar gyfer Ch1 2021 a welir mewn cromfachau



*Ffynhonnell: Casgliad data CG Cymwysterau Cymru gan gyrrff dyfarnu  
Mae data llawn i'w weld yn nhabl 2 y tablau data a gyhoeddir ochr yn ochr â'r datganiad hwn*

Lefelau 3 a 2 oedd y lefelau a ddyfarnwyd fwyaf yn Ch1 2021, gan gyfrif ar y cyd am 70.7% yr holl dystysgrifau. Roedd Lefelau 4 ac uwch yn cynnwys llai na 8% yr holl dystysgrifau a ddyfarnwyd.


Gwelodd mwyafrif y lefelau ostyngiad chwarterol a blynyddol yn nifer y tystysgrifau a ddyfarnwyd. Gwelodd Lefel 1/2 gynnydd chwarterol o 4.3% a chynnydd blynyddol o 47.1% o'i gymharu â Ch1 2020. Gwelodd Lefel 4 a lefel 6 hefyd gynnydd chwarterol o 5.3% a 14.1% yn y drefn honno.

Cymwysterau Lefel 2 a Lefel 7 welodd y gostyngiadau chwarterol cyfrannol mwyaf o 51.3% a 78% yn y drefn honno. Roedd y gostyngiad mwyaf o ran tystysgrifau ar Lefel 2, a ostyngodd 10,175 o dystysgrifau yn Ch1 2021 o'i gymharu â Ch1 2020.

## Tystysgrifau yn ôl maes pwnc sector (MPS)

Ffigwr 2: Gwelodd pob MPS ostyngiad mewn tystysgrifau ac eithrio Addysg a Hyfforddiant

Canran y newid mewn tystysgrifau a ddyfarnwyd gan FPS, Ch1 2021 o'i gymharu â Ch1 2020



(\*) Mae MPS sydd â llai na 100 o dystysgrifau yn y naill chwarter neu'r llall yn cael eu hatal.  
Ffynhonnell: Casglu data CG Cymwysterau Cymru gan gyrff dyfarnu  
Mae data llawn i'w weld yn nhabl 4 y tablau data a gyhoeddir ochr yn ochr â'r datganiad hwn

Y MPS gyda nifer mwyaf y tystysgrifau a ddyfarnwyd yn Ch1 2021 oedd 'Iechyd, Gwasanaethau Cyhoeddus a Gofal' sydd, er gwaethaf gostyngiad o 40.7% ers y flwyddyn flaenorol, yn cynnwys 28.8% yr holl dystysgrifau. Er gwaethaf y gostyngiad mewn tystysgrifau chwarterol o 35.8% 'Paratoi ar gyfer Bywyd a Gwaith' oedd yr ail MPS a ddyfarnwyd fwyaf.

Y sector 'Ieithoedd, Llenyddiaeth a Diwylliant' a welodd y gostyngiad cyfrannol chwarterol mwyaf mewn tystysgrifau, gyda gostyngiad o 97.4% yn Ch1 2021 o'i gymharu â Ch1 2020. Y sector â'r ail ostyngiad mwyaf oedd 'Menter Manwerthu a Masnachol' a welodd ostyngiad chwarterol o 76.1%.

'Addysg a Hyfforddiant' oedd yr unig sector i gynyddu, gan ddangos cynnydd 8.4% yn nifer y tystysgrifau, cynnydd o 65 o dystysgrifau o'i gymharu â Ch1 2020.

## Y 10 corff dyfarnu gorau

Ar 31 Mawrth 2021, roedd 96 o gyrff dyfarnu cydnabyddedig yng Nghymru.

**Tabl 1: Y 10 corff dyfarnu gorau yn ôl nifer y tystysgrifau a ddyfarnwyd rhwng mis Ebrill 2020 a mis Mawrth 2021**

Corff dyfarnu	2019 Ch1	2020 Ch1	Safle 2019 Ch1	Safle 2020 Ch1	Newid Safle
City & Guilds - City and Guilds of London Institute	78,835	58,465	1	1	→ +0
Pearson - Pearson Education Ltd	37,120	41,815	2	2	→ +0
WJEC - WJEC-CBAC	15,195	17,910	5	3	↑ +2
Agored Cymru	18,545	15,610	4	4	→ +0
LIBF - The London Institute of Banking & Finance	5,760	11,645	11	5	↑ +6
Highfield - Highfield Qualifications	31,450	8,630	3	6	↓ -3
NCFE	6,390	6,250	10	7	↑ +3
VTCT	3,785	4,560	14	8	↑ +6
TCL - Trinity College London	8,860	4,145	8	9	↓ -1
ABRSM - Associated Board of the Royal Schools of Music	10,575	3,695	7	10	↓ -3

*Ffynhonnell: Casgliad data CG Cymwysterau Cymru gan gyrff dyfarnu  
Ceir rhestr lawn y 50 corff dyfarnu gorau yn nhabl 7 y tablau data a gyhoeddwyd ochr yn ochr â'r datganiad hwn*

O ganlyniad i'r amrywiaeth o gymwysterau a gynigir gan wahanol gyrff dyfarnu, mae'n debygol bod COVID-19 wedi effeithio'n wahanol ar gyrff dyfarnu unigol.

Roedd y deg corff dyfarnu uchaf a welir yn nhabl 1 yn cyfrif am dros 80% yr holl dystysgrifau a ddyfarnwyd rhwng mis Ebrill 2020 a mis Mawrth 2021. City & Guilds sy'n parhau i ddyfarnu'r nifer fwyaf o dystysgrifau, er gwaethaf gostyngiad blynyddol o 25.8%. Symudodd Highfield Qualifications i lawr tri safle oherwydd gostyngiad o 72.6% mewn tystysgrifau a LIBF aeth ar y blaen iddyn nhw gan weld cynnydd blynyddol dros 100% mewn tystysgrifau sy'n golygu cynnydd safle-6. Ysgogir y cynnydd hwn gan gymwysterau yn y sectorau 'Paratoi ar gyfer Bywyd a Gwaith' a 'Busnes, Gweinyddiaeth a'r Gyfraith'.

Gwelodd VTCT hefyd gynnydd mawr gan symud o 14<sup>fed</sup> i 8<sup>fed</sup> er gwaethaf cynnydd canrannol bach yn unig o tua 20.4%.

## Y 10 cymhwyster gorau

**Tabl 2: Y 10 cymhwyster uchaf yn ôl dystysgrifau a ddyfarnwyd yn y chwarter hwn**

Cymhwyster	2020 Ch1	2021 Ch1
Entry Level Certificate in ESOL International Speaking and Listening (Entry 3) (GESE Grade 5) (B1.1)	940	980
City & Guilds Dyfarniad Lefel 2 mewn Sgiliau Llythrennedd Digidol Hanfodol	900	810
Highfield Dyfarniad Lefel 3 Cymorth Cyntaf ar frys yn y Gwaithle (RQF)	1,725	750
QA Lefel 3 Dyfarniad mewn Cymorth Cyntaf Brys yn y Gwaith (RQF)	1,470	615
City & Guilds Lefel 2 Iechyd a Gofal Cymdeithasol: Craidd	0	570
City & Guilds Dyfarniad Rhagarweiniol Lefel 2 mewn Sgiliau Cyflogadwyedd	150	480
City & Guilds Dyfarniad Lefel 2 mewn Sgiliau Cymhwyso Rhif Hanfodol	710	465
City & Guilds Dyfarniad Lefel 2 mewn Sgiliau Cyfathrebu Hanfodol	695	455
City & Guilds Dyfarniad Lefel 1 mewn Sgiliau Cyfathrebu Hanfodol	265	450
City & Guilds Level 3 Diploma in Adult Care	280	430

*Ffynhonnell: Casgliad data CG Cymwysterau Cymru gan gyrrff dyfarnu  
Ceir rhestr lawn y 50 cymhwyster uchaf yn nhabl X y tablau data a gyhoeddwyd ochr yn ochr â'r datganiad hwn*


Roedd y deg cymhwyster uchaf yn cyfrif am 24.2% yr holl dystysgrifau a ddyfarnwyd yn Ch1 2021. O'r deg cymhwyster uchaf hyn, o'i gymharu â Ch1 2020, Dyfarniad Rhagarweiniol City & Guilds Lefel 2 mewn Sgiliau Cyflogadwyedd welodd y cynnydd cyfrannol mwyaf (222%), ac yna City & Guilds Lefel 1 Sgiliau Cyfathrebu Hanfodol (71.2%). Mae'r codiadau cyfrannol hyn yn cynrychioli cynnydd mewn dystysgrifau 330 a 190, yn y drefn honno. Gwelodd pum cymhwyster yn y 10 uchaf ostyngiad mewn dystysgrifau chwarterol gyda'r gostyngiadau cyfrannol mwyaf yn Nyfarniad SA Lefel 3 mewn Cymorth Cyntaf Brys yn y Gwaith (FfCRh) (58.3%) a Dyfarniad Highfield Lefel 3 mewn Cymorth Cyntaf Brys yn y Gwaith (FfCRh) (56.5%).



## Sgiliau Hanfodol Cymru (SHC)

Ffigwr 4: Gostyngiad mewn tystysgrifau SHC chwarterol yn bennaf oherwydd Cymhwyso Rhif

Ch1 Tystysgrifau Sgiliau Hanfodol Cymru fesul pwnc, 2017 i 2021



*Ffynhonnell: Casgliad data CG Cymwysterau Cymru gan gyrrff dyfarnu*

*Ceir rhestr lawn y 50 cymhwyster uchaf yn nhabl 11 y tablau data a gyhoeddwyd ochr yn ochr â'r datganiad hwn*

O'i gymharu â Ch1 2020, gostyngodd cyfanswm y tystysgrifau ar gyfer cymwysterau Sgiliau Hanfodol Cymru 29.7% yn Ch1 2021. Roedd y gostyngiad hwn yn bennaf oherwydd cymwysterau Cymhwyso Rhif ar bob lefel ac eithrio lefel 3, a ostyngodd yn gyffredinol o 39.5%.

Gostyngodd tystysgrifau ar bob lefel. Cymwysterau lefel mynediad oedd â'r gostyngiad cyfrannol mwyaf gyda gostyngiad o 68.6% o'i gymharu â Ch1 2020, yn bennaf oherwydd Cymwysterau Cymhwyso Rhif.

## Cymwysterau Galwedigaethol Cymeradwy

Cynlluniwyd a chyflwynwyd cymwysterau galwedigaethol cymeradwy ar gyfer Cymru. Ar hyn o bryd mae cymwysterau galwedigaethol cymeradwy ond ar gael yn y sector lechyd a Gofal Cymdeithasol.

Ffigwr 5: Tystysgrifau a ddyfarnwyd ar gyfer yr un cymhwyster cymeradwy

Nifer y tystysgrifau a ddyfarnwyd ar gyfer cymwysterau galwedigaethol cymeradwy a ddyfarnwyd yn Ch1 2021



*Ffynhonnell: Casgliad data CG Cymwysterau Cymru gan gyrrff dyfarnu  
Ceir rhestr lawn y 50 cymhwyster uchaf yn nhabl 13 y tablau data a gyhoeddwyd ochr yn ochr â'r datganiad hwn*

Yn Ch1 2020, dim ond un cymhwyster lechyd a Gofal Cymdeithasol a ddyfarnwyd.

# Nodiadau Cefndir

## Pwrpas a sylw i'r datganiad hwn

Mae'r datganiad hwn yn cyflwyno gwybodaeth am nifer y tystysgrifau a roddwyd ar gyfer cymwysterau galwedigaethol a reoleiddir a chymwysterau eraill yng Nghymru. Mae rhestr lawn y cymwysterau a reoleiddir i'w gweld ar y [Gronfa ddata Cymwysterau yng Nghymru \(QiW\)](#).

Nid yw'r data hwn yn cynnwys TGAU, Safon UG, Safon Uwch, Dyfarniadau Estyniad Uwch, Prif Ddysgu, Prosiect, Tystysgrifau Her Sgiliau na chymwysterau Bagloriaeth Cymru. Mae nifer y tystysgrifau a ddyfarnwyd ar gyfer rhai o'r cymwysterau hyn i'w gweld ar [wefan y Cyd-gyngor Cymwysterau](#).

Mae'r data ond yn cynnwys tystysgrifau a ddyfarnwyd i ddysgwyr a gafodd eu hasesu'n gyfan gwbl neu'n bennaf mewn canolfannau yng Nghymru, waeth beth y math o ganolfan.

Mae'r datganiad hwn yn cyflwyno data fesul chwarter calendr. Mae Ch1 yn cynrychioli 1 Ionawr i 31 Mawrth; Mae Ch2 yn cynrychioli 1 Ebrill i 30 Mehefin; Mae Ch3 yn cynrychioli 1 Gorffennaf i 30 Medi; ac mae Ch4 yn cynrychioli 1 Hydref i 31 Rhagfyr.

Mae'r datganiad hwn yn dangos nifer y dyfarniadau wedi'u dadansoddi fesul lefel cymhwyster, maes pwnc sector a chorff dyfarnu.

Gwneir cymariaethau yn y datganiad hwn yn bennaf gyda data o'r un chwarter o'r flwyddyn flaenorol. Y rheswm am hyn yw bod newidiadau tymhorol yn nifer y tystysgrifau a ddyfarnwyd dros y flwyddyn. Er enghraifft, dim ond yn yr haf y dyfernir rhai cymwysterau, ar yr un pryd â TGAU a Safon Uwch.

Nid yw'r ystadegau hyn yn cynrychioli dysgwyr unigol, gan y gallai dysgwr fod wedi cyflawni tystysgrifau lluosog yn ystod y cyfnod hwn.

## Newidiadau i'r ystadegau hyn

O chwarter 1 2021, nid yw cymwysterau Bagloriaeth Cymru a'r Dystysgrif Her Sgiliau bellach wedi'u cynnwys yn yr ystadegau hyn. Mae tystysgrifau ar gyfer cymwysterau Bagloriaeth Cymru cyfredol a blaenorol wedi'u tynnu o'r data am bob cyfnod amser. Nid yw cymwysterau a allai gyfrannu tuag at Bagloriaeth Cymru blaenorol (e.e. Sgiliau Allweddol) wedi'u tynnu gan na allwn bennu a gyfrannodd tystysgrif unigol at Bagloriaeth Cymru ai peidio.

Gwnaethom y newid hwn yn dilyn adborth gan ddefnyddwyr yr ystadegau hyn, o fewn Cymwysterau Cymru ac o fewn sefydliadau eraill. Gan fod cynifer y dysgwyr oedran ysgol yn astudio ar gyfer y cymwysterau hyn, gwelsom bod y cymwysterau hyn yn llywio'r ystadegau, ac yn ei gwneud yn anodd deall beth oedd yn digwydd yn y sector galwedigaethol yn ei gyfanrwydd. Gwelsom hefyd fod rheoleiddio a monitro'r cymwysterau hyn yn agosach at gymwysterau TGAU a Safon Uwch nag at gymwysterau galwedigaethol eraill, felly rydym wedi symud y gwaith o adrodd ar ystadegau ar gyfer y cymwysterau hyn i'n cyfres o ystadegau cymwysterau cyffredinol.

Er mwyn helpu defnyddwyr i drosglwyddo i'r dull newydd hwn, mae'r cyfansymiau chwarterol a blynyddol a gyfrifir ar yr hen sail (h.y. gan gynnwys Bagloriaeth Cymru a THS) i'w gweld yn nhabl 1b y tablau data a gyhoeddir ochr yn ochr â'r datganiad hwn. Cyfrifir yr holl dablau a siartiau eraill ar y sail newydd yn unig. Os yw'r newidiadau hyn yn effeithio ar eich defnydd o'r ystadegau hyn, neu i roi unrhyw adborth arall ar y newidiadau hyn, cysylltwch â ni [ystadegau@cymwysteraucymru.org](mailto:ystadegau@cymwysteraucymru.org).

## **Ffynhonnell Data**

Daw gwybodaeth am gymwysterau a reoleiddir a'u nodweddion (e.e., lefel, corff dyfarnu, MPS) o [Gronfa ddata QiW](#). Lle nad yw cymhwyster hanesyddol wedi'i restru ar QiW, cymerir nodweddion o gofrestr Ofqual. Cymerir rhan newydd o bob cronfa ddata ar adeg ei gynhyrchu, ac adroddir ar yr holl ddata ar gyfer pob cymhwyster yn erbyn y data nodweddion diweddaraf sydd ar gael.

Anfonir data ar nifer y tystysgrifau a ddyfarnwyd at Gymwysterau Cymru gan gyrff dyfarnu. Casglwyd data cyn chwarter 1 2019 o gyrff dyfarnu gan Ofqual i ni er mwyn ein galluogi ni i gynhyrchu'r ystadegau hyn.

Cyn chwarter 4 2017, adroddwyd ystadegau ar gyfer Cymru gan Ofqual. Mae Ofqual [yn parhau i gasglu data tystysgrifau ar gyfer holl ranbarthau'r DU](#) at ddibenion mewnol, ond nid ydynt bellach yn cyhoeddi data ar gyfer Cymru.

Pan ddechreuodd Cymwysterau Cymru gasglu'r data hwn o gyrff dyfarnu, cynhaliwyd dau gasgliad ochr yn ochr ag Ofqual. Dadansoddwyd unrhyw wahaniaethau rhwng y data a gasglwyd gennym, a'r data a gasglwyd gan Ofqual, a defnyddiwyd hyn i ymgysylltu â chyrrff dyfarnu er mwyn sicrhau a gwella ansawdd y data. O ganlyniad i'r broses hon, efallai y bydd rhai gwahaniaethau yn y ffordd y mae cyrrff dyfarnu yn adrodd data i ni, o'i gymharu â'r ffordd yr oeddent yn adrodd data i Ofqual cyn hynny.

Tan fis Hydref 2020, nid oedd cofrestr QiW yn cynnwys cymwysterau rheoleiddiedig nad oeddent yn gymwys i dderbyn arian cyhoeddus (a elwir yn gymwysterau "rheoleiddiedig eraill"). Felly, efallai y bydd nifer fach o gymwysterau eraill a reoleiddir yng Nghymru yn unig ar goll o ddata cyn 2019, gan nad oeddent ar gofrestr Ofqual na QiW. Gall y data hanesyddol hefyd gynnwys rhai cymwysterau a ildwyd o gwmpas ein cydnabyddiaeth ond a oedd yn dal i gael eu rhestru ar gofrestr Ofqual ar adeg eu casglu. Mae ein templedi casglu data yn cynnwys cymwysterau sy'n gymwys i dderbyn arian cyhoeddus a chymwysterau rheoleidig eraill, ac felly maent yn rhoi sylw cyflawn i'r tirlun cymwysterau galwedigaethol a chymwysterau eraill a reoleiddir yng Nghymru.

## Dylanwadau allanol

### Covid-19

Ar 18 Mawrth 2020, cyhoeddodd y Gweinidog Addysg [y byddai pob ysgol yng Nghymru yn cau erbyn 20 Mawrth 2020 oherwydd pandemig COVID-19](#). Ar 23 Mawrth 2020, [cyhoeddodd y Prif Weinidog gyfyngiadau pellach i arafu lledaeniad y coronafeirws yng Nghymru](#). Cafodd y mesurau cychwynnol hyn eu llacio cyn dechrau chwarter 3 2020, ond arhosodd nifer o gyfyngiadau mewn grym yn ystod rhywfaint o'r chwarter neu'r chwarter cyfan. O ganlyniad i'r cyfyngiadau hyn, nid oedd llawer o golegau, canolfannau asesu a darparwyr hyfforddiant yn gallu gweithredu am rai misoedd. Mae pandemig COVID-19 wedi parhau i darfu ar ddysgwyr a chyrrff dyfarnu. Bydd hyn yn debygol o effeithio ar nifer y tystysgrifau a ddyfarnwyd ar gyfer cymwysterau galwedigaethol a chymwysterau eraill o chwarter 3 2020.

O ganlyniad i gau ysgolion a cholegau a tharfu cyffredinol a achoswyd gan bandemig COVID-19, cafodd llawer o'r cymwysterau eu hasesu a'u dyfarnu mewn ffordd a oedd yn wahanol i'r broses arferol. Ar gyfer rhai cymwysterau, roedd hyn yn golygu bod y canlyniadau cyffredinol yn sylweddol wahanol i'r canlyniadau mewn blynyddoedd blaenorol. Mae'r ffigurau yn y datganiad hwn yn cynrychioli nifer y tystysgrifau a ddyfarnwyd ac nid ydynt yn cynnwys dysgwyr nad ydynt yn llwyddo i basio'r cymhwyster. Mewn rhai achosion, gall newidiadau yn y cyfansymiau ar gyfer cymwysterau unigol fod o ganlyniad i newidiadau yn y gyfradd basio, yn hytrach na newidiadau mewn mynediad.

### Bagloriaeth Cymru (y Fagloriaeth)

Mae Bagloriaeth Cymru yn gymhwyster a ddyfarnwyd i lawer o ddysgwyr yng Nghymru. Mewn blynyddoedd blaenorol, gallai cymwysterau Sgiliau Allweddol a Sgiliau Hanfodol (ochr yn ochr â chymwysterau eraill) gyfrif tuag at y dyfarniad. Nid yw Cymwysterau Sgiliau Allweddol a Chymwysterau Hanfodion Cyfredol yn cyfrif

bellach tuag at ddyfarnu'r Fagloriaeth bresennol. Gallai'r newid hwn fod wedi effeithio ar nifer y tystysgrifau Sgiliau Allweddol a Sgiliau Hanfodol a adroddir yn y data hwn.

### **Mesurau Perfformiad**

Gall newidiadau i fesurau perfformiad hefyd fod wedi effeithio ar nifer y tystysgrifau a ddyfarnwyd ar gyfer cymwysterau galwedigaethol a chymwysterau eraill dros amser, yn enwedig ar lefelau 1 i 3. Er enghraifft, o 2017, roedd cymwysterau galwedigaethol wedi'u capio i ddarparu uchafswm o 40% o'r pwyntiau ar gyfer mesurau trothwy ysgolion Llywodraeth Cymru (Cyfnod Allweddol 4). Yn 2018, roedd newid pellach yn golygu mai dim ond cymwysterau TGAU Gwyddoniaeth allai gyfrif tuag at gyfran wyddoniaeth y mesur perfformiad. Cyn hynny, caniatwyd i gymwysterau gwyddoniaeth alwedigaethol gyfrif. Ceir rhagor o wybodaeth am y newidiadau i fesurau perfformiad yng Nghymru ar [wefan Llywodraeth Cymru](#).

### **Nodweddion cymhwyster**

Rhoddir lefel, maes pwnc sector (MPS) a math i bob cymhwyster. Disgrifir lefelau yn y [Fframwaith Credydau a Chymwysterau Cymru](#). Dewisir y MPS gan y corff dyfarnu i bennu pa ddiwydiant neu bwnc academaidd y mae'r cymhwyster yn fwyaf perthnasol iddo. Mae'r datganiad hwn yn cynnwys cyfansymiau chwarterol a blynyddol ar gyfer pob cymhwyster yn ôl lefel a MPS. O ganlyniad i broblemau gydag ansawdd a diffiniadau data, nid yw data fesul y math o gymhwyster wedi'i gynnwys yn y datganiad hwn.

### **Cyfyngiadau data**

Er bod Cymwysterau Cymru yn disgwyl i gyrff dyfarnu ddarparu data cywir i ni, ni allwn warantu bod y wybodaeth a roddir i ni yn gywir. Rydym yn cymharu'r data dros amser er mwyn gwirio am unrhyw faterion neu anghysonderau systemig ac i ymgysylltu â chyrrff dyfarnu i ddilysu'r data. Ein nod yw casglu data sy'n ymwneud â dysgwyr a aseswyd yn gyfan gwbl neu'n bennaf mewn canolfan yng Nghymru, ond mae'n bosibl y gellir cynnwys dysgwyr di-Gymraeg yn y data, neu y gall rhai dysgwyr Cymraeg gael eu heithrio. Er enghraifft, nid yw dysgwyr o bell sy'n astudio gartref yn mynychu canolfan o gwbl. Os felly, disgwyliwn i gyrff dyfarnu ddefnyddio cyfeiriad y dysgwr, ond nid yw'r wybodaeth hon wastad ar gael.

Pan fydd corff dyfarnu yn rhoi'r gorau i gael ei gydnabod gan Gymwysterau Cymru, nid yw'n ofynnol iddynt ddarparu data i ni mwyach. Mae hyn yn golygu, os bydd corff dyfarnu yn rhoi'r gorau i gael ei gydnabod gennym yn ystod neu'n syth ar ôl chwarter, na fydd yn darparu data ar gyfer y chwarter hwnnw. Bydd unrhyw dystysgrifau a ddyfarnwyd yng Nghymru yn ystod y chwarter hwnnw tra bod y corff

dyfarnu yn dal i gael ei gydnabod ar goll o'r data yn y datganiad hwn. Mae'r data hanesyddol a ddarparwyd gan Ofqual yn cynnwys data ar gyfer rhai cyrff dyfarnu a oedd, ar adeg casglu data, yn cael eu cydnabod gan Ofqual ond nid gan Cymwysterau Cymru. Lle nad yw corff dyfarnu erioed wedi cael ei gydnabod gan Gymwysterau Cymru, mae'r holl ddata ar gyfer y corff dyfarnu hwnnw wedi'i ddileu. Pan gaiff corff dyfarnu ei gydnabod gennym ni, ond mae'r corff hwnnw yn ddiweddarach yn ildio cydnabyddiaeth yn ystod y chwarter, mae'r data ar gyfer y chwarter hwnnw wedi'i gynnwys, ac mae'r corff dyfarnu wedi'i dynnu o'r data ar gyfer y chwarter canlynol ymlaen. Mewn nifer fach o achosion, mae corff dyfarnu wedi ildio cydnabyddiaeth ac yna wedi cael ei gydnabod eto'n ddiweddarach. Yn yr achosion hynny, dim ond pan na chafodd y corff dyfarnu ei gydnabod drwy gydol y chwarter y mae data wedi'i eithrio. Felly, efallai na fydd cyfansymiau hanesyddol yn cyfateb i'r rhai a gyhoeddwyd gan Ofqual.

Ar 04 Mai 2018 tynnodd Ofqual gydnabyddiaeth yn ôl gan The Awarding Body for Vocational Achievement (AVA) Ltd (masnachu fel BAA). Gweler y [dudalen hon](#) am fwy o fanylion. Fel rhan o'r ymchwiliad a ragflaenodd y penderfyniad, canfuwyd bod AVA wedi bod yn darparu data tystysgrifau anghywir i Ofqual. Nid yw'n ymarferol cael data wedi'i gywiro gan AVA, ond mae'n hysbys bod graddfa'r cywiriadau yn fach.

## **Pwy ydym ni**

Mae Cymwysterau Cymru yn rheoleiddio cymwysterau, ac eithrio graddau, yng Nghymru. O dan y [Ddeddf Cymwysterau Cymru 2015](#), ein prif nodau yw sicrhau bod cymwysterau, a system gymwysterau Cymru, yn effeithiol ar gyfer diwallu anghenion rhesymol dysgwyr yng Nghymru ac i hybu hyder y cyhoedd mewn cymwysterau ac yn y system gymwysterau yng Nghymru.

## **Ein hystadegau**

Mae'r [Gorchymyn Ystadegau Swyddogol \(Cymru\) 2017](#) yn enwi Cymwysterau Cymru fel un o'r cyrff yng nghwmpas y [Ddeddf Ystadegau a Gwasanaethau Cofrestru 2007](#). Cyhoeddir y datganiad hwn fel ystadegau swyddogol, yn unol â'r [Cod Ymarfer ar gyfer Ystadegau](#).

## **Sicrhau ansawdd**

Ceir manylion am sut rydym yn sicrhau ansawdd y data hwn yn ein [Datganiad Interim ar Ansawdd Ystadegol a Sicrhau Ansawdd Ffynonellau Data Gweinyddol](#). Mae data hanesyddol wedi bod yn destun [Gweithdrefnau sicrhau ansawdd Ofqual](#).

Gellir gohirio cyhoeddi os nad ystyrir bod yr ystadegau'n addas i'r diben.

## Diwygiadau

Ar ôl ei gyhoeddi, nid yw data ar nifer y tystysgrifau cymhwyster galwedigaethol a ddyfarnwyd fel arfer yn destun adolygiad, er y gellir diwygio datganiadau dilynol i fewnbynnu data hwyr neu i gywiro gwall. Mae rhagor o wybodaeth ar gael yn ein [Polisi Diwygiadau a Chywiriadau](#).

## Talgrynnu a Chyfrinachedd

Er mwyn diogelu cyfrinachedd, ac yn unol â [Pholisi allbynnau ystadegol Cymwysterau Cymru](#), mae ffigurau llai na 5 ond mwy na 0 yn cael eu disodli gan \*. Mae hyn er mwyn sicrhau nad yw data'n datgelu ymgeisydd unigol. Mae'r holl ffigurau ar gyfer nifer y tystysgrifau a roddir wedi'u talgrynnu i'r 5 agosaf. Mae'r holl ganrannau yn y sylwebaeth yn seiliedig ar ffigurau gwirioneddol. Mae'r ffigurau wedi'u talgrynnu'n annibynnol ac felly efallai na fyddant yn cyfateb i'r cyfanswm.



## Defnyddwyr yr ystadegau hyn

Mae'r ystadegau hyn yn debygol o fod o ddiddordeb i Gymwysterau Cymru, Ofqual, cyrff dyfarnu, a Llywodraeth Cymru. Mae Cymwysterau Cymru yn defnyddio'r ystadegau hyn i ddeall patrymau wrth ddyfarnu'r cymwysterau hyn, ac i helpu i fonitro cymwysterau galwedigaethol.

## Ystadegau a chyhoeddiadau cysylltiedig

[Cyhoeddodd Ofqual ystadegau ar gymwysterau galwedigaethol ar gyfer Lloegr.](#)

[Ymchwil ac Ystadegau a gyhoeddwyd gan Gyngor Cwricwlwm, Arholiadau & Asesu \(CCAA\).](#)

[Ystadegau a gyhoeddwyd gan Awdurdod Cymwysterau'r Alban \(SQA\).](#)

[Ystadegau a gyhoeddwyd gan Eurostat.](#)

## Gwybodaeth ddefnyddiol

Mae rhestr termau ar gael [ar ein gwefan](#) i'ch helpu i ddehongli'r datganiad hwn. Gallwch ddod o hyd i wybodaeth am gyhoeddiadau yn y dyfodol ar [wefan Llywodraeth Cymru](#).

Mae [Cronfa ddata QiW](#) yn darparu gwybodaeth am gymwysterau cymeradwy a dynodedig sy'n gymwys i dderbyn arian cyhoeddus yng Nghymru.

## Diweddariad nesaf

Medi 2021 (dros dro).

## Adborth defnyddwyr

Rydym yn croesawu unrhyw adborth ar unrhyw agwedd ar yr ystadegau hyn y gallir eu darparu drwy e-bost i [statistics@cymwysteraucymru.org](mailto:statistics@cymwysteraucymru.org).

© (2021) Rhoddir caniatâd i atgynhyrchu ar yr amod y cyfeirir at Gymwysterau Cymru fel y ffynhonnell wreiddiol.